



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacramentum Ordinis

Biesmann, Caspar

Coloniæ Agrippinæ, 1694

Caput III. De Scientia ad Ordines requisita.

urn:nbn:de:hbz:466:1-42240

CAPVT III.

*De Scientia ad Ordines
requisita.*

Certa scientia necessaria est ad quemvis ordinem, non requiritur, ut hæc sit summa, sed sufficit mediocris.

Requisita ad primam Tonsuram, & quatuor Minores.

Alterum est certa scientia ad unumquemque Ordinem necessaria. Nam Trid. *Sess 24. c. 4.* pro prima Tonsura requirit, ut fidei rudimenta edocti sciant legere & scribere. Sufficit autem legere quodcunque idioma, quamvis nesciant latinè, quia Trid. eos solum excludit, qui omnino legere nesciunt. *Sanch. in opusc. tom. 2. l. 7. c. 1. dub. 46.* nec requiritur, ut sciant perfectè scribere, sed satis erit, si noverint literas aliquo modo formare. *Dian. P 3 T 14. Res. 21.* adde quod scientia quæ à Trident. ab ordinandis exigitur, non debeat esse summa in illo genere, sed sufficiat mediocris. Nam quod *Gloss. in can. Illiteratos*, asserit ad minores Ordines sufficere mediocrem intelligentiam linguæ latinæ; idipsum

idipsum cum proportione de
 prima Tensura & reliquis
 Ordinibus dici potest. Gob.
 L 3 Cas. 10. n. 375. Proinde
 cum Trid. Sess 23 c. 11 pro Mi-
 noribus statuat, ut hos susci-
 pere volentes saltem linguam
 latinam intelligant, sufficit, si
 ordinandi aliquam brevem &
 facilem sententiam è latino in
 patrium sermonem vertere
 noverint; is enim dicitur lin-
 guam latinam intelligere, qui
 animo percipit sensum verbis
 latinis indicatum. Imò quia
 Trid. cit. cap. insinuat se con-
 tentum fore, si Minoristæ as-
 cendant de gradu in gradum,
 probabiliter pro tribus prio-
 ribus Ordinibus non videtur
 exigi dicta intelligentia, sed
 pro solo quarto sive Acoly-
 thatu. Hic enim ascensus de
 gradu in gradum, si Ostiarius
 & Lector sciat legere & scri-
 bere latinè, Exorcista declina-
 re nomina & conjugare verba,
 Acolythus brevem aliquam &
 facilem sententiam patrio ser-
 mone

mone explicare v. g. hanc:
 Beatus homo, qui timet Do-
 minum. Quod si nequeat Mi-
 norista, vel saltem ut modo
 dictum est, Acolythus facilli-
 mas sententias latinas, dicto
 modo interpretari, sit autem
 bonæ indolis ac docilis, in quo
 spes appareat dictam scientiã
 facile & intra breve tempus
 acquirendi, poterit Episcopus
 legem Tridentini in ejus fa-
 vorem interpretari. Dian. P. 3.
 Res 86. & cum eo alii. Simili-
 ter cum Trid. cit. Sess. 13. pro
 Subdiaconatu & Diaconatu
 requirat, ut sint literis, & iis,
 quæ ad Ordinem exercendum
 spectant, instructi, id est, ut
 noverint linguam latinam, &
 habeant cognitionem eorum,
 quæ ad dictos Ordines eorum-
 que exercitium spectant, suffi-
 cit si communes libros latinos
 intelligat, & ex latino in patriũ
 sermonem pleraque vertere
 possint. Qui habet socium aut
 alium, à quo discere potest
 rubricas, quas latinè neque
 intel-

Ad Subdia-
 conatum &
 Diaconatu-
 tum.

intelligere, si usu & exercitio didicit ea, quæ necessaria sunt ad decentem functionem Officiorum his Ordinibus annexorum, poterit admitti ad illos Ordines, quia eo fine exigitur intelligentia linguæ latinæ, ut decenter exercentur Ministeria sacra. V. Quintanad. *L. c. sing. 9. & 10.* Denique Ad Sacerdotiam. Trident. pro Sacerdotio cap. 14. requirat tantam scientiam, ut populum docere possit ea, quæ necessaria sunt ad salutem, & Sacramenta administrare valeat, sufficiet presbyterando, si quæ legit in Missa, mediocriter intelligat, habeatque mediocrem scientiam, ut noverit rite servare ea, quæ spectant ad Sacrificium Missæ debitè peragendum. *Sanch. Conf. Mor L. 2. c. 1. dub. 45.* imò plurimum est sententia ad Presbyterium admitti posse eos, qui in sacrorum Ordinum & imprimis Sacerdotii ipsius functionibus bene exercitati omnia rite legunt & cantant,

tametsi nondum plenè intelli-
gant ea, quæ in Missa leguntur.
Emm. Rodriq. *tom 1. q. 24.*
art. 7. adde quod juxta Barbof.
de off. & pot. Ep. alleg 46. n. 13.
& alios, Episcopus possit di-
spensare cum eo, qui caret
scientiâ requisitâ à Trident.
quando ordinandus versatur
in studiis, estque spes fore, ut
necessariam scientiam acqui-
rat, & adest specialis causa or-
dinandi talem. Quod autem
Trid. exigat à Sacerdotibus,
ut sciant necessaria ad Sacra-
mentorū administrationem,
contra hoc contrarius usus
invaluit. Plurimi namque de
facto sunt Sacerdotes, qui
prorsus ignorant formam ex-
tremæ Uctionis & Absolutio-
nis, nec ad ea addiscenda se
obligatos esse censent ob in-
certum auxilium, quod horū
gnari, fortè proximo in spiri-
tuali necessitate constituto,
vix unquā toto vitæ tempore
laturi sunt. V. Gob. *L. s. Cas 10.*
n. 382. Et quidem ut jam dicta
scien-

scientia ad Ordines requisita debite exploretur, recte moment Authores, ab Episcopis instituendum esse examen diligens ac sedulum, non vero perfunctorium, ut hæc diligentia tollat ab Ecclesia tenebras ignorantiae, maiorum omnium parentis. Ob hanc ipsam causam valde rogandi sunt omnes Ecclesiae Ministri, & imprimis Sacerdotes, ut vitae integritati simul jungant insignem rerum divinarum scientiam. Hanc ab ipsis tanquam filiis avidè expectat mater Ecclesia: suo quoque jure exigunt tot piorum eleemosynæ eo fine datæ, nō ut otio & luxui, sed divinæ gloriæ hominūque salutis promovendæ deservirent. Idcirco Spiritus S. apparuit Christi Apostolis in linguis igneis, ut ostenderet Ecclesiae Ministros oportere eos esse, qui ignea ac divina loquerentur, & qui potentes essent exhortari in sana doctrina & eos, qui contradicunt, arguere. Pro-

Instituendū
in bonum
totius Ec-
clesiæ se-
dulum &
diligens ex-
amen, quo
exploretur
scientia or-
dinandi.

Ecclesiae
Ministri &
imprimis Sa-
cerdotes
jungant vi-
tae probitati
insignem
doctrinam
& scientiā.

fectò nihil ita pessumdat Ecclesiam Dei, ac Ministrorum ipsius & maximè Sacerdotum imperitia, quæ una, utpote cunctorum errorum mater, in Dei Ecclesiam magna multorum scandala, ingentia detrimenta, & irreparabilem tot millium animarum cladem invexit. Attende igitur, quisquis ad Ministerium Ecclesiæ vocatus es, attende inquam Lectioni, Exhortationi & Doctrinæ.

CAPVT IV.

De Titulo sustentationis requisito.

Titulus sustentationis necessarius est volenti suscipere Ordinem sacrum sive Majorem.

Tertio loco requiritur non quidem pro minoribus, sed majoribus Ordinibus Titulus sustentationis, hoc est, ejusmodi Titulus, vi cujus ordinando competit congrua sustentatio. Non enim decet eos, ut loquitur Trid. *Sess. 21 c. 2.* qui divino Ministerio adscripti sunt, cum Ordinis dedecore

re